

ВСЕНОЩНОЕ БДЕНИЕ. КАНОН:

ПЕСНЬ 1:

КАНОН ВОСКРЕСНЫЙ, ГЛАС 1:

Хор:

Ирмос: **Твоя победительная десница/ Боголепно в крепости прославися:/ та бо, Безсмертне,/ яко всемогущая, противныя сотре,// Израильтяном путь глубины новосоделавшая.**

Припев: **Слава, Господи, святому Воскресению Твоему.**

Тропарь: **Иже рукама пречистыма от персти/ богодетельне исперва создав мя,/ руке распротерл еси на кресте,/ от земли взывая тленное мое тело,// еже от Девы приял еси.**

Припев: **Слава, Господи, святому Воскресению Твоему.**

Тропарь: **Умерщвление подъял еси мене ради,/ и душу смерти предал еси,/ Иже вдохновением божественным душу ми вложивый,/ и отрешив вечных уз, и совоскресив// нетлением прославил еси.**

Припев: **Пресвятая Богородице, спаси нас.**

Богородичен: **Радуйся, благодати источник,/ радуйся лестнице, и двере небесная,/ радуйся свещнице, и ручко златая, и горю несекомая,// Яже Жизнодавца Христа мируи рождающая.**

КАНОН КРЕТОВОСКРЕСНЫЙ, ГЛАС 1:

Припев: **Слава, Господи, Кресту Твоему Честному и Воскресению.**

Тропарь: **Христос обожает мя, воплощаяся,/ Христос мя возносит, смираяся,/ Христос безстрастна мя соделовает,/ страждая Жизнодавец естеством плоти.// Темже воспеваю благодарственную песнь: яко прославися.**

Припев: **Слава, Господи, Кресту Твоему Честному и Воскресению.**

Тропарь: **Христос возносит мя, распинаемь,/ Христос совоскрешает мя, умерщвляеть,/ Христос жизнь мне дарует./ Темже с веселием рукама плещая,// пою Спасителю победную песнь: яко прославися.**

Припев: **Пресвятая Богородице, спаси нас.**

Богородичен: **Бог, Дево, зачала еси,/ Христа же в девстве родила еси/ из Тебе Воплощася, Пречистая,/ Единого ипостасию Единородного,// во двою же существу познаваемого Сына: яко прославися.**

КАНОН БОГОРОДИЦЫ, ГЛАС 1:

Припев: **Пресвятая Богородице, спаси нас.**

Тропарь: **К**ую Ти достóйную песнь нáше принесёт неможéние?/ тóчию об-
радовательную,/ ёйже нас Гаври́ил та́йно научи́л есть:// ра́дуйся, Бого-
ро́дице Дéво, Мáти Неневéстная.

Припев: **Пресвятáя Богорóдице, спаси́ нас.**

Тропарь: **П**риснодéве и Мáтери Царя́ в́шних сил,/ от чистéйша сéрдца, вéрнии, ду-
хóвне возопи́м:// ра́дуйся, Богорóдице Дéво, Мáти Неневéстная.

Припев: **Пресвятáя Богорóдице, спаси́ нас.**

Тропарь: **Б**езмéрная бéздна Твоегó непостиж́имаго Рождества́, Всеч́истая,/ véрою
несумнéнную úбо ч́исте принóсим Ти, глаго́люще:// ра́дуйся Богорóдице
Дéво, Мáти Неневéстная.

КАНО́Н ПРОРО́КА АВВАКУ́МА, ГЛАС 4:

Припев: **С**вяты́й прорóче Авваку́ме, моли́ Бóга о нас.

Тропарь: **У**мудри́ мя, Гóсподи Бóже мой,/ Твоегó прорóка Авваку́ма пéти Бо-
жéственнаго// и благодáтию Твоею́ просвети́, Бла́же, сéрдце моé.

Припев: **С**вяты́й прорóче Авваку́ме, моли́ Бóга о нас.

Тропарь: **Д**око́ле, Гóсподи, прорóк глаго́лет, возопи́ю к Тебé, и не услы́шиши?//
Вску́ю же ми показáл еси́ судéй нечéстие?

Сла́ва Отцу́, и Сы́ну, и Свято́му Ду́ху.

Тропа́рь: **Ч**естну́ю па́мять твою́, прорóче, соверша́ющая благочéстно/ тво́ими
мольба́ми от бед изба́ви// и лю́тых обстоя́ний.

И ны́не и пр́сно и во ве́ки веко́в, ами́нь.

Богорóдичен: **Б**ог Святы́й яви́ся, внегда́ прибли́житься вре́мени,/ из Тебé Богорóдице,
быв Челове́к,// да спасéт челове́ка.

КАТАВА́СИЯ:

Хор: **Х**ристóс ражда́ется – сла́вите,/ Христóс с Небéс – сря́щите./ Христóс
на земл́и – возно́ситесь./ По́йте Гóсподеви, вся земл́я,/ и весéлием вос-
по́йте, лю́дие,// я́ко просла́вился.

ПЕСНЬ 3:

КАНО́Н ВОСКРЕ́СНЫЙ, ГЛАС 1:

Хор:

Ирмос: **Е**ди́не ве́дый челове́ческаго существа́ не́мощь/ и ми́лостивно в не
вообра́жся,/ препоя́ши мя с высоты́ си́лою,/ ёже вопи́ти Тебé, Святы́й,/ одушевлéнный хра́ме// неизречéнная сла́вы Твоея́, Человеколю́бче.

Припев: **С**ла́ва, Гóсподи, свято́му Воскресéнию Твоему́.

Тропарь: Бог Сый мне, Блаже, падшаго ущедрил еси,/ и снити ко мне благоволив, вознесл мя еси распятием,/ еже вопити Тебе, Святый:// Храме одушевленный неизреченная Твоя славы, Человеколюбче.

Припев: Слава, Господи, святому Воскресению Твоему.

Тропарь: Живот ипостасный Христе сый,/ в истлевша мя, яко Милосердый Бог, облкся,/ в персть смертную сошед, Владыко,/ смертную державу разрушил еси,/ и мертв тридневен воскрес,// в нетление мя облк еси.

Припев: Пресвятая Богородице, спаси нас.

Богородичен: Бога зачениши во чреве, Дево, Духом Пресвятым,/ пребыла еси неопалима,/ понеже Тя купина законоположнику Моисею,/ палимую нежегомо, яве предвозвести,// огонь нестерпимый приемшую.

КАНОН КРЕСТОВОСКРЕСНЫЙ, ГЛАС 1:

Припев: Слава, Господи, Кресту Твоему Честному и Воскресению.

Тропарь: Иже на свое рамо заблуждаемое овча вземшему,/ и низложившему древом его грех,/ Христу Богу возопийм:// воздвигнувый рог наш, свят еси, Господи.

Припев: Слава, Господи, Кресту Твоему Честному и Воскресению.

Тропарь: Возведшему Пастыря Великаго из ада Христа,/ и священноначалием Его апостолы яве языки упасшему,// истиною и Божественным вернии Духом да послужим.

Припев: Слава, Господи, Кресту Твоему Честному и Воскресению.

Тропарь: Бог Святый явися, внегда приблизитися времени,/ из Тебе Богородице, б Иже от Девы воплотившемуся без семени волею Сыну,/ и рождшую по Рождестве, Божественною силою Чистую Деву сохраншему,/ иже над всеми Богу возопийм:/ свят еси Господи.

КАНОН БОГОРОДИЦЫ, ГЛАС 1:

Припев: Пресвятая Богородице, спаси нас.

Тропарь: Облак Тя легкий неложно, Дево, именуем,/ пророческим возследующе речением:/ прииде бо на Тебе Господь/ низложити египетския прелести рукотворения,// и просветити сим служащая.

Припев: Пресвятая Богородице, спаси нас.

Тропарь: Ты запечатанный воистинну лик пророческий источник,/ и заключенную дверь именовая, девства Твоего, Всепетая,/ явственне знамения нам пишуща:// еже сохранила еси и по рождестве.

Припев: Пресвятая Богородице, спаси нас.

Тропарь: Ума пресущественна видети, якоже мощно, сподоблься Гавриил, Дево

Всенепорóчная,/ радóстный Тебé глас принесé,/ Слóва зачáтие я́вственне
возвещáющий,// и неизречéнное Рождество́ проповéдающий.

КАНО́Н ПРОРО́КА АВВАКУ́МА, ГЛАС 4:

Припев: **Святы́й прорóче Авваку́ме, моли́ Бо́га о нас.**

Тропа́рь: **Воззрени́ем к Бо́гу возвыша́емь/ и светода́йнии от Него́ просвещáемь,//
бу́дущих предзрél еси́, Богоявлéнно, прообра́жение.**

Припев: **Святы́й прорóче Авваку́ме, моли́ Бо́га о нас.**

Тропа́рь: **Вся́ку добродéтель содер́жал еси́,/ вся́ку же злóбу от ума́ возненав́идел
еси́// и пра́ведно беззакóннующих возгнуша́лся еси́, всеблаже́нно.**

Сла́ва Отцу́, и Сы́ну, и Свято́му Ду́ху.

Тропа́рь: **Рече́нием Свята́го Ду́ха ты, я́ко чист, ввэ́рился еси́,// яснее́йше про-
ро́чествуя бу́дущих собы́тия, досточу́дне.**

И ны́не и прísно и во ве́ки веко́в, ами́нь.

Богорóдичен: **Гора́, добродéтельми приосене́нная,/ из нея́же Влады́ка раболéпно
при́йде рабо́ты свободи́ти челове́ки,// яви́лася еси́, Всечи́стая.**

КАТАВА́СИЯ:

Хор: **Пре́жде век от Отца́ рождéнному нетлéнно Сы́ну/ и в послéдняя от
Де́вы/ воплоще́нному безсе́менно,/ Христу́ Бо́гу возопи́м:/ вознесы́й
рог наш,// свят еси́, Го́споди.**

ЕКТЕНИ́Я МА́ЛАЯ...

КОНДА́К ПРОРО́КА АВВАКУ́МА, ГЛАС 8, ПОДО́БЕН: «ВЗБРА́ННОЙ...»:

**Возгласи́вый вселéнней от ю́га пришéствие Бо́жие от Де́вы, Авваку́ме Бо-
гоглаго́ливе,/ и на Божéственной стра́жи предстоя́нием/ слы́шания от све-
тонóсна А́нгела/ Христо́во Воскресéние возвестил еси́ ми́ру,/ сегó ра́ди
вэ́село зове́м ти:// раду́йся, проро́ков свéтлая добро́то.**

СЕДА́ЛЕН ПРОРО́КА АВВАКУ́МА, ГЛАС 4, ПОДО́БЕН: «ВОЗНЕСЫ́ЙСЯ...»:

**На Божéственной стра́жи стал еси́, блаже́нно,/ и уразумél еси́ Бо́жие при-
ше́ствие проро́ческими очесы́, Богодохнове́нно;/ те́мже и возопи́л еси́, Ав-
ваку́ме, со стра́хом:/ Го́споди, услы́шах стра́шное пришéствие Твое́ и воспе-
ва́ю Тя,// плóть брénную от Де́вы понести́ восхотéвшаго.**

Сла́ва Отцу́ и Сы́ну и Свято́му Ду́ху и ны́не и прísно и во ве́ки веко́в. Ами́нь.

БОГОРÓДИЧЕН ИЗ МИНЕ́И, ГЛАС 4:

**По Бо́зе в Твой, Богорóдице, прибегаю, смире́нный, покрóв Бо-
же́ственный,/ припа́дая, молю́ся:/ помилуй, Пречи́стая, я́ко превзыдо́ша**

главу мою греси,/ и боюся, Владычице, муки, и трепещу,/ моление сотвори,
Чистая, к Сыну Твоему// от сих избавити мя.

ПЕСНЬ 4:

КАНОН ВОСКРЕСНЫЙ, ГЛАС 1:

Хор:

Ирмос: Гóру Тя благодатию Бóжиею приосененную,/ прозорливыма Авва-
кúm/ усмотрив очима,/ из Тебé изыти Израилеву провозглашаше Свя-
тóму,/ во Спасение наше// и обновление.

Припев: Сла́ва, Гóсподи, свято́му Воскресению Твоему́.

Тропарь: Кто сей Спас иже из Едóма исходя, венéц нося терновен,/ очервленну ризу имый,
на дрéве вися;/ Израилев есть Сей Святы́й,// во Спасение наше и обновление.

Припев: Сла́ва, Гóсподи, свято́му Воскресению Твоему́.

Тропарь: В́идите людие непокоривии, и устыдитесь:/ Егóже бо яко злодéя вы воз-
нести на крест у Пилáта испросите умовредне,// смéрти разрушив силу,
боголепно воскрес из грóба.

Припев: Пресвятáя Богорóдице, спаси нас.

Богородичен: Дрéво Тя, Дéво, жизни véмы:/ не бо снэди плод смертоносный человеком из Тебé
прозябé,/ но животá присносущнаго наслаждение,// во Спасение нас поющих Тя.

КАНОН КРЕСТОВОСКРЕСНЫЙ, ГЛАС 1:

Припев: Сла́ва, Гóсподи, Кресту Твоему́ Честному́ и Воскресению́.

Тропарь: Кто Сей красен из Едóма,/ и Сего́ очервление ризное, от винограда во-
сóрска,/ красен яко Бог,/ яко человек же, крóвию плóти ризу очервлену но-
ся;/ Емуже поём вёрнии:// слава силе Твоей, Гóсподи.

Припев: Сла́ва, Гóсподи, Кресту Твоему́ Честному́ и Воскресению́.

Тропарь: Христóс будущих благ явлься Архиерей,/ грех наш разорил есть:/ и пока-
зав странен путь Своёю крóвию,/ в лучшую и совершеннейшую вниде
скинию,// Предтеча наш во святáя.

Припев: Пресвятáя Богорóдице, спаси нас.

Богородичен: Ёвин дрéвний долг испросила еси, Всепётая/ у Иже нас ради явльшагося
нóваго Ада́ма./ Соединив бо Себé чистым зачатием плоть умную, одушев-
ленную,// из Тебé произыде Христóс, Ед́ин во обою́ Господь.

КАНОН БОГОРОДИЦЫ, ГЛАС 1:

Припев: Пресвятáя Богорóдице, спаси нас.

Тропарь: Слы́ши чудес небо, и внушáй землé,/ яко Дщи перстнаго ўбо падшаго
Ада́ма, Бóгу наречена бысть,/ и Своему́ Содетелю Родительница,// на Спа-

сѣние наше и обновлѣние.

Припев: Пресвятая Богородице, спаси нас.

Тропарь: Поём великое и страшное Твое таинство,/ премирных бо утайвса чиноначалий,/ на Тя Иже сый сниде яко дождь на рунó, Всепетая,// на Спасение нас поющих Тя.

Припев: Пресвятая Богородице, спаси нас.

Тропарь: Святых святая, Богородице Всепетая,/ чаяние языков, и Спасение верных,/ из Тебе возсия Избавитель и Жизнодавец, и Господь:// Егóже молї, спастїся рабóм Твоим.

КАНОН ПРОРОКА АВВАКУМА, ГЛАС 4:

Припев: Святый пророче Аввакуме, моли Бога о нас.

Тропарь: Световиден добродетелию явился, Богодохновенне,/ и Свет Невечерний возвестил еси,/ Емуже ныне верою зовем:// слава силе Твоей, Господи.

Припев: Святый пророче Аввакуме, моли Бога о нас.

Тропарь: Всесветлая благодать Духа, обильно всельшися в тя, всеумдре,// пророка соверши, всем Спаса возвещающа.

Слава Отцу, и Сыну, и Святому Духу.

Тропарь: Слухом огласився Вседержителя,/ благоговейно убоялся еси, о чудне!// Разумев же дела Сего, во ужасе был еси.

И ныне и присно и во веки веков, аминь.

Богородичен: Кивот свидения Тя, Дево, пишет,/ Хлеб истинно Жизни приемшую, Чистая,// Слово, Отцу Соприсносущное.

КАТАВАСИЯ:

Хор: Жезл из корене Иессеева/ и цвет от него, Христэ,/ от Девы прозябл еси,/ из горы, Хвальный, приосененныя чащи,/ пришёл еси, воплощся от Неискусомужныя,/ Невещественный и Бóже:// слава силе Твоей, Господи.

ПЕСНЬ 5:

КАНОН ВОСКРЕСНЫЙ, ГЛАС 1:

Хор:

Ирмос: Просветивый сиянием пришествия Твоего, Христэ,/ и осветивый Крестом Твоим/ мира концы,/ сердца просвети/ светом Твоего Богоразумия,// православно поющих Тя.

Припев: Слава, Господи, святому Воскресению Твоему.

Тропарь: Пастыря овцам великаго и Господа,/ иудеи дрéвом крестным умертвиша:/ но Той яко овцы, мертвыя, во аде погребенныя,// державы смертныя избави.

Припев: **Сла́ва, Го́споди, свято́му Воскресе́нию Твоему́.**

Тропарь: **Кресто́м Твои́м мир благовести́в,/ и пропове́дав плéнным, Спа́се мой, оставле́ние,/ держа́ву иму́щего посрамы́л еси́, Христé:// на́га, обнища́вша показáвший Божéственным воста́нием Твои́м.**

Припев: **Пресвята́я Богоро́дице, спаси́ нас.**

Богородичен: **Проше́ния ве́рно просящих, Всепе́тая, не прэзри:/ но приими́, и сия́ доноша́й Сы́ну Твоему́, Пречи́стая,/ Бо́гу Еди́ному Благоде́телю,// Тебе́ бо Предста́тельница стяжа́хом.**

КАНО́Н КРЕСТОВОСКРЕ́СНЫЙ, ГЛАС 1:

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропарь: **О бога́тство, и глубино́ премудрости Бо́жия!/ Премудрыя объёмляй Господь,/ от сих кова́рства изба́вил ест нас:/ пострада́в бо волею́ немо́щую плотско́ю,/ Своёю́ крепо́стию, животворя́й ме́ртвыя воскреси́л ест.**

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропарь: **Бог сый соединя́ется плóти нас ра́ди:/ и распина́ется, и умира́ет: погреба́ется, и па́ки воскресáет,/ и восхо́дит све́тло с плóтию Своёю́ Христóс ко Отцу́:// с нею́же при́дет, и спасёт благоче́стно Тому́ служа́щия.**

Припев: **Пресвята́я Богоро́дице, спаси́ нас.**

Богородичен: **Святы́х Свята́я, Де́во Чи́стая,/ святы́х Свята́го родила́ еси́,/ всех освяща́ющего Христа́ Изба́вителя./ Те́мже Тя, Цари́цу и Влады́чицу всех,// я́ко Ма́терь Зижди́теля тва́рей пропове́дуем.**

КАНО́Н БОГОРО́ДИЦЫ, ГЛАС 1:

Припев: **Пресвята́я Богоро́дице, спаси́ нас.**

Тропарь: **Веселя́тся небéсныя си́лы зря́ще Тя:/ ра́дуются с ни́ми челове́ков собра́ния:/ Рожде́ством бо Твои́м совокупи́шася, Де́во Богоро́дице,// е́же досто́йно сла́вим.**

Припев: **Пресвята́я Богоро́дице, спаси́ нас.**

Тропарь: **Да дви́жятся вси язы́цы челове́честии и мы́сли,/ к похвалé челове́ческаго войстинну́ удобре́ния,/ Де́ва предстои́т я́ве сла́вящи,// ве́рою То́я пою́щих чудеса́.**

Припев: **Пресвята́я Богоро́дице, спаси́ нас.**

Тропарь: **Сла́вится пéние всепрему́дрых и похвала́,/ Де́ве и Ма́тери Бо́жии приноси́мая:/ сла́вы бо бысть Сия́ Храм Пребожéственныя,// Ю́же досто́йно сла́вим.**

КАНО́Н ПРОРО́КА АВВАКУ́МА, ГЛАС 4:

Припев: **Святы́й проро́че Авваку́ме, моли́ Бо́га о нас.**

Тропарь: **Ны́не воздви́жена ви́дит честна́я Це́рковь Со́лнца на Дре́ве,// я́коже про-**

рёкл еси́, Авваку́ме свяще́ннейше.

Припев: **Святы́й проро́че Авваку́ме, моли́ Бо́га о нас.**

Тропарь: **Вперив ум, на стражи твоёй стал еси́, пребога́те, // и усмотрил еси́ Господне прише́ствие.**

Сла́ва Отцу́, и Сы́ну, и Свято́му Ду́ху.

Тропа́рь: **Велегла́сно, му́дре, о Бо́же Спа́се возра́дуюся, – возопи́л еси́, // – и возвеселю́ся, Авваку́ме всеблаже́нне.**

И ны́не и при́сно и во ве́ки веко́в, ами́нь.

Богородичен: **Отягче́н плени́цами мно́гих мои́х прегреше́ний, к Тебе́ прибега́ю, / спаси́ мя, Влады́чице Богоро́дице, // ве́рных хвало́.**

КАТАВА́СИЯ:

Хор: **Бог сый ми́ра, Оте́ц щедро́т, / Вели́каго Совета́ Твоего́ А́нгела, / мир подава́ющая, посла́л еси́ нам: / тем, Богоразу́мия к све́ту наста́вьшесе, / от но́щи у́треннююще, // славосло́вим Тя, Человеколю́бче.**

ПЕСНЬ 6:

КАНОН ВОСКРЕ́СНЫЙ, ГЛАС 1:

Хор:

Ирмос: **Обы́де нас последняя́ бе́здна, / несть избавля́яй, / вмени́хомся, / яко́ овцы́ заколе́ния, / спаси́ лю́ди Твоя́, Бо́же наш, // Ты бо кре́пость немощствую́щих и исправле́ние.**

Припев: **Сла́ва, Го́споди, свято́му Воскресе́нию Твоему́.**

Тропарь: **Согреше́нием первозда́ннаго, Го́споди, лю́те уязви́хомся, / ра́ною же исцели́хомся Твоею́, / ёуже за ны уязви́лся еси́, Христэ́: // Ты бо кре́пость немощствую́щих и исправле́ние.**

Припев: **Сла́ва, Го́споди, свято́му Воскресе́нию Твоему́.**

Тропарь: **Возвёл ны еси́ из а́да, Го́споди, / кита́ убив всея́дца, Всеси́льне, / Твоею́ держа́вою низложи́в того́ си́лу: // Ты бо Живо́т, и Свет еси́, и Воскресе́ние.**

Припев: **Пресвята́я Богоро́дице, спаси́ нас.**

Богородичен: **Веселя́тся о Тебе́, Де́во Пречи́стая, / ро́да нашего́ прао́тцы, Еде́м восприе́мше Тобо́ю, / его́же преступле́нием погуби́ша: // Ты бо, Чи́стая, и пре́жде Рожде́ства, и по Рожде́стве еси́.**

КАНО́Н КРЕСТОВОСКРЕ́СНЫЙ, ГЛАС 1:

Припев: **Сла́ва, Го́споди, Кресту́ Твоему́ Честно́му и Воскресе́нию.**

Тропарь: **Ум сый безстра́стен и невеще́ствен, / примеша́ется Христос́ Бог челове́ческому уму́, /**

ходатайствующему Божественным естеством, плоти же дебелством,/ и всему мне непреложен весьма соединися:// да Спасение всему мне падшему подаст распинаемь.

Припев: Слава, Господи, Кресту Твоему Честному и Воскресению.

Тропарь: Падает прельстився Адам, и запявываясь сокрушается,/ надеждою обоглан сый древле обожения:/ но востаёт соединением Слова обожаемь,/ и страстию безстрастие приемлет,/ на престоле яко Сын славится,// седяй со Отцем же и Духом.

Припев: Слава, Господи, Кресту Твоему Честному и Воскресению.

Богородичен: Недр не отступль Безначальна Родителя,/ в недрах Чистой Отроковицы водворяется, и бываает,/ Иже прежде безматерен, без отца воплощаемый,/ Иже правдою царствуяй Бог:// Сего неродословен страшный род и неизреченен.

Канон Богородицы, глас 1:

Припев: Пресвятая Богородице, спаси нас.

Тропарь: Предстоят раболепне Рождеству Твоему чини небеснии,/ дивящиеся достойно Твоему безсеменному Рождеству, Приснодево:// Ты бо, Чистая, и прежде Рождества, и по Рождестве еси.

Припев: Пресвятая Богородице, спаси нас.

Тропарь: Воплотися прежде сый Безплотен, Слово из Тебе, Пречистая,/ всяческая волю творяй,// безтелесных воинства приведый от небытия, яко Всесилен.

Припев: Пресвятая Богородице, спаси нас.

Тропарь: Умерщвлен бысть враг живоносным Твоим плодом, Богоблагодатная:/ поправан бысть ад проявленне,/ и иже во узах свободихомся:// Темже вопию: страсти разруши сердца моего.

Канон пророка Аввакума, глас 4:

Припев: Святыи пророче Аввакуме, моли Бога о нас.

Тропарь: От юга Бог, воплощся, прииде, яко прорекл еси,/ от Него светло просвещаемь, Аввакуме треблаженне,// и мир светом уясни.

Припев: Святыи пророче Аввакуме, моли Бога о нас.

Тропарь: Озари, Боже, души поющих Тя/ молитвами Аввакума честнаго и Богомудраго,// иже вдохновением Божественным просвещей того помышление.

Слава Отцу, и Сыну, и Святому Духу.

Тропарь: Вещание Твое и глагол Божественных сила, Богоглаголиве,/ пройде вся концы,// Слова Божественное пришествие нам пророчествуя.

И ныне и присно и во веки веков, аминь.

Богородичен: Сущаго Отцу Сына Единосущна/ и безначально рождшему яве сразуме-

ваемаго,/ в последок плоть бывша,// Дёво, родила еси.

КАТАВА́СИЯ:

Хор: Из утробы Ибну младенца изблева морской зверь,/ якова прият,/ в Дёву же всельшееся Слово/ и плоть приёмшее пройде сохраншее нетленну./ Егбоже бо не пострада истления,// Рождшую сохрани неврежденну.

ЕКТЕНИЯ МА́ЛАЯ...

КОНДА́К ВОСКРЕ́СНЫЙ, ГЛАС 1, ПОДО́БЕН: «ЕГДА ПРИЙДЕШИ...»:

Воскрёсл еси, яко Бог, из гроба во славе,/ и мир совоскрёсил еси;/ и естество человеческое яко Бóга воспеваёт Тя, и смерть исчезе;/ Адам же ликует, Владыко;/ Ева ныне от уз избавляема радуется, зовущи:// Ты еси, Иже всем подаё, Христё, воскресение.

ИКОС:

Воскрёсшаго триднёвно воспойм яко Бóга Всесильна,/ и врата адова стёршаго,/ и яже от века из гроба воздвигшаго,/ мирно́сицам явльшагося, якоже благоизволил есть,/ прежде сим еже радуйтесь, рекый:/ и апостолом радость возвещая, яко Един Жизнодавец./ Тёмже верою жены́ учеником зна́мения победы благовествуют,/ и ад стенёт, и смерть рыдаёт:/ мир же веселится, и вси с ним радуются.// Ты бо подал еси, Христё, всем Воскресение.

ПЕСНЬ 7:

КАНОН ВОСКРЕ́СНЫЙ, ГЛАС 1:

Хор:

Ирмос: Тебе́ умную, Богородице, пещь/ рассмотрим, вернии,/ якоже бо отроки спасе́ три Превозносимый,/ мир обнови́,/ во чре́ве Твоём всецел,// хва́льный отцев Бог и препросла́влен.

Припев: Сла́ва, Го́споди, свято́му Воскресению́ Твоему́.

Тропарь: Убо́йся земля, сокры́ся со́лнце, и померче свет,/ раздрася церко́вная божественная завеса,/ ка́мение же рассе́дися:/ на кресте́ бо висит Пра́ведный,// Хва́льный отцев Бог, и препросла́влен.

Припев: Сла́ва, Го́споди, свято́му Воскресению́ Твоему́.

Тропарь: Ты быв а́ки безпомощен,/ и уязвен в ме́ртвых волею нас ра́ди/ превозносимый, вся свободи́л еси́,/ и держа́вною руко́ю совоскрёсил еси́,// хва́льный отцев Бог, и препросла́влен.

Припев: Пресвята́я Богородице, спаси́ нас.

Богородичен: Ра́дуйся, исто́чнице присноживы́я воды́./ Ра́дуйся, раю́ пи́щный./ Ра́дуйся, стено́ верных./ Ра́дуйся, Неискусобра́чная./ Ра́дуйся, всеми́рная Ра́досте,/

Ёюже нам возсия// Хвальный отец Бог, и препрославлен.

КАНОН КРЕСТОВОСКРЕСНЫЙ, ГЛАС 1:

Припев: Слава, Господи, Кресту Твоему Честному и Воскресению.

Тропарь: Древле убо проклята бысть земля/ Авелевою очервленившись кровию, братоубийственной рукою:/ боготочною же Твоею кровию благословися окроплена,/ и възиграючи вопиет:// отец Боже, благословен еси.

Припев: Слава, Господи, Кресту Твоему Честному и Воскресению.

Тропарь: Да рыдают иудейстии богопротивнии людие,/ дерзости убиения Христова:/ языцы же да веселятся,/ и руками да воспещут, и вопиют:// отец Боже, благословен еси.

Припев: Слава, Господи, Кресту Твоему Честному и Воскресению.

Тропарь: Се мирносицам облистаяй, вопияше Ангел:/ Воскресения Христова придите и видите знамения,/ плащаницу и гроб, и возопийте:// отец Боже, благословен еси.

КАНОН БОГОРОДИЦЫ, ГЛАС 1:

Припев: Пресвятая Богородице, спаси нас.

Тропарь: Тя, Богородице, лествицу Иаков пророчески разумевает:/ Тобою бо Превозносимый на земли явился,/ и с человеки поживе, яко благоволи,// Хвальный отец Бог и Препрославлен.

Припев: Пресвятая Богородице, спаси нас.

Тропарь: Радуйся, Чистая, из Тебе пройде Пастырь,/ Иже во Адамову кожу облкся войстинну Превозносимый,/ во всего мя человека, за благоутрбие непостижное:// Хвальный отец Бог и Препрославлен.

Припев: Пресвятая Богородице, спаси нас.

Тропарь: Новый Адам от чистых кровей Твоих/ Превечный Бог бысть войстинну,/ Егоже ныне моли,/ обетшавшаго мя обновити зовуща:// Хвальный отец Бог и Препрославлен.

КАНОН ПРОРОКА АВВАКУМА, ГЛАС 4:

Припев: Святыи пророче Аввакуме, моли Бога о нас.

Тропарь: Научаемь, блаженне, паче слова знанию/ пророчествуя Многосветлую Свещу, зываеши ныне:// отец наших Боже, благословен еси. *(Дважды)*

Слава Отцу, и Сыну, и Святому Духу.

Тропарь: Сияния Трисветлаго и Невечерняя Славы причастия тебе даде Христос,/ Егоже прославил еси, вопия:// отец наших Боже, благословен еси.

И ныне и присно и во веки веков, аминь.

Богородичен: В родех родов Мати Дѣва явилася еси, Благословенная,/ паче умá Слово рождши воплощенное,// темже, Чистая, воспевáем Тя.

КАТАВА́СИЯ:

Хор: О́троцы, благоче́стию совоспита́ни,/ злочестіваго велѣния небрегше,/ о́гненнаго прещѣния не убо́яшася,/ но, посреде́ пла́мени стояще, по́яху:// отцев́ Б́же, благословѣн еси́.

ПЕСНЬ 8:

КАНОН ВОСКРЕ́СНЫЙ, ГЛАС 1:

Хор:

Ирмос: В пещи́ о́троцы Изра́илевы,/ я́коже в горни́ле,/ добро́тою благоче́стия чистѣе злата́ блещáхуся, глаго́люще:/ благословите́, вся дела́ Господня́, Ѓспода,// по́йте и превозно́сите во вся вѣки.

Припев: Сла́ва, Ѓсподи, свято́му Воскресѣ́нию Твоему́.

Тропарь: И́же во́лею вся творя́й, и претворя́й,/ обраща́й сень смѣртную в вѣчную жизнь,/ стра́стию Твоею́, Сло́ве Б́жий,/ Тебе́ непреста́нно вся дела́ Господня́,// Ѓспода по́йм, и превозно́сим во вся вѣки.

Припев: Сла́ва, Ѓсподи, свято́му Воскресѣ́нию Твоему́.

Тропарь: Ты разорѣл еси́ сокруше́ние, Христѣ́, и окаянство́,/ во вратѣх и тверды́нях а́довых,/ воскрес из гроба́ тридне́вен./ Тебе́ непреста́нно вся дела́, я́ко Ѓспода, пою́т,// и превозно́сят во вся вѣки.

Припев: Пресвята́я Богороди́це, спаси́ нас.

Богородичен: Я́же без се́мене и престо́стvenне от облистáния Божѣ́ственнаго/ Рождшю́ю бисера́ многоце́ннаго Христа́, воспойм глаго́люще:/ благословите́ вся дела́ Господня́, Ѓспода,// по́йте и превозно́сите Егó во вся вѣки.

КАНО́Н КРЕСТОВОСКРЕ́СНЫЙ, ГЛАС 1:

Припев: Сла́ва, Ѓсподи, Кресту́ Твоему́ Честно́му и Воскресѣ́нию.

Тропарь: Приидите́, лю́дие, поклонѣ́мся мѣсту,/ на нѣмже стоя́сте пречѣ́стѣи но́зе,/ и на дрѣ́ве божѣ́ственнеи Христóве длáни животворя́щи прострóстеся,/ на Спасѣ́ние всех челове́ков,/ и гроб живóтный обсто́яще, по́йм:/ да благосло́вит тварь вся́кая Ѓспода,// и превозно́сит во вся вѣки.

Припев: Сла́ва, Ѓсподи, Кресту́ Твоему́ Честно́му и Воскресѣ́нию.

Тропарь: Обличѣ́ся богоубѣ́йц иудѣ́ев пребеззакóнное оклеветáние:/ Егóже бо лестца́ нареко́ша, воста́, я́ко Сѣ́лен,/ наруга́вся безумным печáтем./ Темже́ раду́ющеся, воспойм:/ да благосло́вит тварь вся́кая Ѓспода,// и превозно́сит во вся вѣки.

Припев: Пресвята́я Трѣ́ице, Б́же наш, сла́ва Тебе́.

Триччен: **В** трёх свящённых богослѡвяще и Едѣном Господѣстве славу/ серафѣми пречѣстїи, со страхом раболѣпно/ Триипостасное славят Божество./ С нимиже и мы благочествующе воспойм:/ да благословѣт тварь всякая Господа, // и превозносѣт во вся вѣки.

Канон Богородицы, глас 1:

Припев: **Пресвятая Богородице, спаси нас.**

Тропарь: **Чертог световидный, из негоже всех Владыка, / яко Жених произыде Христос, / воспойм вси вопиюще: / вся дела Господня, Господа пойте, // и превозносите во вся вѣки.**

Припев: **Пресвятая Богородице, спаси нас.**

Тропарь: **Радуйся, Престолу славный Божий, / радуйся, верных стеню, / Ёюже сущим во тьме возсия свет Христос, / Тебѣ блажащим, и вопиющим: / вся дела Господня, Господа пойте, // и превозносите во вся вѣки.**

Припев: **Пресвятая Богородице, спаси нас.**

Тропарь: **Спасенію виновнаго нам Господа рождши, / моли о всех вопиющих прилежно, Дево Всепетая: / благословите вся дела Господня, Господа, // пойте и превозносите во вся вѣки.**

Канон пророка Аввакума, глас 4:

Припев: **Святый пророче Аввакуме, моли Бога о нас.**

Тропарь: **Просвещен Светом Трисолнечным, / сподобился еси, всеизрядне, Божественных и преестественных видений, зовый: // превозносите Бога во вѣки вся.**

Припев: **Святый пророче Аввакуме, моли Бога о нас.**

Тропарь: **Пий от потока сладости и невещественнаго видения исполняемь, / славы же пророческия и председательства причащаяся, // радуясь воспеваеши Бога во вѣки.**

Благословим Отца, и Сына, и Святаго Духа, Господа.

Тропарь: **О, Божественная и честная пророка Аввакума красота! / сей бо, со Ангельскими ликуя силами, // радуясь, Христа воспеваеши во вѣки.**

И ныне и присно и во вѣки веков, аминь.

Богородичен: **Мати явилася еси истинно прежде век из Отца Возсиявшаго, / едина бо святѣйши всех была еси, // Тя превозносим, Чистую, во вѣки.**

КАТАВАСИЯ:

Хор: **Хвалим, благословим, поклоняемся Господеву, поюще и превозносяще во вся вѣки.**

Чуда преестественнаго / росодательная изобрази пещь образ: / не бо,

**яже прият, палит юныя,/ яко ниже огонь Божества Девы,/ в Нюже вниде
утробу./ Тем воспевающе, воспоем:/ да благословит тварь вся
Господа// и превозносит во вся веки.**

Диакон: Богородицу и Матерь Света в песнях возвеличим.

ПЕСНЬ ПРЕСВЯТОЙ БОГОРОДИЦЫ:

Хор: Величит душа Моя Господа,/ и возрадовася дух Мой о Бозе Спасе Моём.
**Честнейшую Херувим/ и Славнейшую без сравнения Серафим,/ без
истления Бога Слова рождшую,/ сущую Богородицу, Тя величаем.**

Яко призре на смирение рабы Своея,/ се бо от ныне ублажат Мя вси роди.

Честнейшую...

**Яко сотвори Мне величие Сильный,/ и свято Имя Его, и милость Его в
роды родов боящимся Его.**

Честнейшую...

Сотвори державу мышцею Своею,/ расточи гордыя мыслию сердца их.

Честнейшую...

**Низложи сильные со престол, и вознесе смиренные;/ алчущия исполни
благ, и богатящиеся отпусти тщи.**

Честнейшую...

**Всприят Израиля отрока Своего, помянути милости,/ якоже глагола ко
отцем нашим, Аврааму и семени его, даже до века.**

Честнейшую...

ПЕСНЬ 9:

КАНОН ВОСКРЕСНЫЙ, ГЛАС 1:

Хор:
Ирмос: Образ чистаго рождества Твоего,/ огнепалимая купина/ показа нео-
пальная;/ и ныне на нас/ напастей свирепеющую угасити, молимся,
пещь,/ да Тя, Богородице,// непрестанно величаем.

Припев: Слава, Господи, святому Воскресению Твоему.

Тропарь: О како, людие беззаконнии и непокоривии,/ лукавая совещавше/
гордаго и нечестиваго оправдиша:/ Праведнаго же на древе осудиша
Господа славы,// Егоже достойно величаем!

Припев: Слава, Господи, святому Воскресению Твоему.

Тропарь: Спасе Агнче Непорочне,/ Иже мира грехи вземый,/ Тебе славим вос-
кресшаго тридневно,/ со Отцем и Божественным Твоим Духом,/ и Господа
славы:// Егоже богословяще, величаем.

Припев: Пресвятая Богородице, спаси нас.

Богородичен: Спаси люди Твоя, Господи,/ ихже стяжал еси честною Твоею кровию,/ церквам Твоим подай мир, Человеколюбче, // Богородицы молитвами.

Канон Крестовоскресный, глас 1:

Припев: Слава, Господи, Кресту Твоему Честному и Воскресению.

Тропарь: Прославися неизреченною силою Твоею/ крест Твой, Господи,/ немощное бо Твое паче силы всем явися:/ имже сильнии убо низложены быша на землю, // и нищии к небесам возводими бывають.

Припев: Слава, Господи, Кресту Твоему Честному и Воскресению.

Тропарь: Умертвися мерзкая наша смерть, из мертвых Воскресением:/ Ты бо явився сущим во аде Христе,/ живот даровал еси. // Темже Тя, яко жизнь и воскресение и свет Ипостасный поюще, величаем.

Припев: Пресвятая Троице, Боже наш, слава Тебе.

Троицен: Безначальное естество и Непредельное,/ в Троице познавается Единствех,/ Богочасных Ипостасех Единое Божество,/ во Отце, и Сыне, и Дусе: // на Неже богомудрии людие уповающе, спасаемся.

Канон Богородицы, глас 1:

Припев: Пресвятая Богородице, спаси нас.

Тропарь: Из корене Давидова прозябла еси пророческаго, Дево, и богоотческаго:/ но и Давида яко воистинну Ты прославила еси,/ яко рождши пророчествованнаго Господа славы: // Егоже достойно величаем.

Припев: Пресвятая Богородице, спаси нас.

Тропарь: Всяк похвальный, Пречистая, закон/ побеждается величеством славы Твоея./ Но о, Владычице, от раб Твоих недостойных,/ от любви Тебе приносимое прими, Богородице, // со усердием пение похвальное.

Припев: Пресвятая Богородице, спаси нас.

Тропарь: О паче ума чудес Твоих!/ Ты бо, Дево, едина паче солнца,/ всем дала еси разумети новейшее чудо, Всечистая,/ Твоего Рождества непостижимаго. // Темже Тя вси величаем.

Канон пророка Аввакума, глас 4:

Припев: Святыи пророче Аввакуме, моли Бога о нас.

Тропарь: Блистает память твоя, пророче,/ светлу испущающи зарю твоего Богоглаголения/ и твоего тайноучения и пророчества // ты чтущим, Аввакуме блаженнейше.

Припев: Святыи пророче Аввакуме, моли Бога о нас.

Тропарь: Проповедав Господа Славы и Сего прорек пришествие,/ от Святыя Девы

проявленно бывшее, и показанное видя, // веселися, Аввакуме Богоблаженне.

Слава Отцу, и Сыну, и Святому Духу.

Тропарь: Радуются вси пророцы, / в радостный твой день веселящися, Богомудре, / радости твоея причащающися и Божественныя славы, // с нимиже моляся, поющия тя спасаи.

И ныне и присно и во веки веков, аминь.

Богородичен: Кроплением, Чистая, щедрот Твоих / души моея омий скверну / и токи слез источати мне непрестанно сотвори, Отроковице, // страстей моих потоки уставляющи.

КАТАВАСИЯ:

Хор: Таинство странное вижу и преславное: / Небо – вертеп, Престол Херувимский – Дева, / ясли – вместилище, / в нихже возлеже Невместимый – Христос Бог, // Егоже, воспевающе, величаем.

ЕКТЕНИЯ МАЛАЯ...

Диакон: Свят Господь Бог наш...

ЕКСАПОСТИЛАРИЙ ВОСКРЕСНЫЙ ЧЕТВЕРТЫЙ:

Добродетельми блиставшися, / видим предстояща в живоноснем гробе / мужа в блещущихся ризах: / мирносицам преклоньшим лица на землю, / небеси Владычествующаго воскресению да научимся, / и к Живота гробу с Петром притецем, / и содеянному удивльшися, // пребудем Христа видети.

Слава Отцу и Сыну и Святому Духу и ныне и присно и во веки веков. Аминь.

БОГОРОДИЧЕН ВОСКРЕСНОГО ЕКСАПОСТИЛАРИЯ:

Радоватися вещавый, претворил еси / печаль прародителей, Господи, / радость внося востания Твоего в мире: / того убо Живодавче, Родшею Тя, / свет просвещающ сердца, / свет щедрот Твоих низпосли, / еже вопити Тебе: / человеколюбче Богочеловече, // слава Твоему востанию.